

Hálsliðir	kr. 35.00—45.00
Grind	— 45.00—55.00
Spjaldbein	— 40.00—45.00
Lær	— 40.00—45.00
Hné	— 35.00—40.00
Fótleggur	— 40.00
Öklaliður	— 30.00—35.00
Rist og tær	— 25.00—35.00
Tær	— 20.00—25.00
Gallblaðra	— 45.00—65.00
Þvagfæri	— 45.00
Nýrnaskálarit (pyelografi) ÷ kontrastefni	— 65.00—75.00
Eggrásarrit	— 95.00
Brjósthol	— 35.00
Hjarta, mæling	— 45.00—60.00
Vélindi	— 55.00—60.00
Magi & skeifugörn	— 75.00
Þarmar: tæming (passage)	— 55.00—75.00
Ristill: fylling (clysma)	— 75.00—85.00
Fóstur	— 45.00—55.00
Sniðmyndir (planigræfi) af brjóstholi ..	— 55.00—75.00
Meginæð kviðarhols	— 40.00
Æðarit	— 75.00
Röntgenljósmynd af lungum (fotoröntgen) ..	— 15.00
Kvartsljós	— 5.00
Kolbogaljós	— 8.00
Röntgengeisl (therapie)	— 8.00— 9.00

69

13. apríl

Í heilbrigðismálaráðuneytinu, 13. apríl 1946.

Finnur Jónsson.

Gústav A. Jónasson.

SAMÞYKKT

fyrir Landþurrkunarfélag Lýtingsstaðahrepps í Skagafirði.

70

27. apríl

1. gr.

Félagið heitir Landþurrkunarfélag Lýtingsstaðahrepps.
Heimili þess og varnarþing er Lýtingsstaðahreppur.

2. gr.

Félagssvæðið nær yfir eftirtaldar jarðir í Lýtingsstaðahreppi: Hafgrimsstaðir, Brúnastaðir, Þorsteinsstaðir, Árnes, Lýtingsstaðir, Efrakot, Sveinsstaðir, Hóll, Breið, Breiðagerði, Tunguháls, Kolgröf, Álfgeirsvellir, Ytra-Vatn, Syðra-Vatn, Brekkukot, Hvíteyrar, Nautabú, Gilhagi, Svartárdalur, Villinganes, Litlidalur, Litladalskot, Héraðsdalur, Stapi, Vindheimar, Steinsstaðir, Daufá, Starrastaðir, Mælifellsá, Kríthóll, Reykir.

Nú óska eigendur annarra jarða að fá framkvæmda landþurrkun vegna tún-ræktar eða áveitu og geta þeir gengið í félagið með því að undirrita samþykkt þessa enda komi samþykki lögmæts félagsfundar til fyrir upptöku nýrra félagsmanna.

27. apríl

Tilgangur félagsins er:

1. Að annast framræslu vegna túnræktar og beitiræktar á jörðum félagsmanna.
2. Að annast framkvæmd landþurrkunar og áveitu á engjalöndum félagsmanna.
3. Að vinna að því, að hindra landspjöll af völdum landbrots og vatnságangs á þær jarðir, er fyrir slíku geta orðið á félagssvæðinu.
4. Að útvega og starfrækja skurðgröfu frá ríkinu meðan á framkvæmdum stendur samkvæmt ákvæðum jarðræktarlaga nr. 54 frá 4. júlí 1942 og lögum nr. 38 frá 7. apríl 1943 um breyting á þeim (35. gr. jarðræktarlaganna).
5. Að útvega nauðsynlegt fé sem styrk og lán til að koma nauðsynlegum mannvirkjum í þessu sambandi í framkvæmd.

4. gr.

Félaginu stjórnar þriggja manna nefnd, kjörin á aðalfundi til þriggja ára. Gengur einn maður úr stjórn árlega. Tvö fyrstu árin eftir hlutkesti og síðan í röð eftir starfsaldri. Stjórnarnefndarmenn má endurkjósa.

5. gr.

Stjórnin skiptir með sér verkum. Formaður boðar til allra funda og stýrir þeim. Ritari sér um bókun fundargerða. Gjaldkeri hefur á hendi reikningshald félagsins og annast allar innheimtur og greiðslur eftir ávísun formanns. Stjórnarnefnd annast alla framkvæmd fyrirtækisins og starfrækslu þess milli aðalfunda. Hún sér um, að árlega sé framkvæmt viðhald á mannvirkjum þeim, er félagið lætur gera, eða félagsmenn sjálfir hafa gert á einstökum jörðum í sambandi við hinar félagsbundnu framkvæmdir. Heimilt er félagsstjórn að ráða eftirlitsmann til eins árs í senn. Hefur hann þá eftirlit með mannvirkjum félagsins og viðhaldi þeirra og sér um skiptingu vatnsins til áveitu, þar sem um sameiginlega áveitu er að ræða.

Í nóvember ár hvert jafnað stjórnin niður öllum kostnaði samkvæmt ákvæðum 8. greinar.

Greiðslu fyrir störf sín fær stjórnin samkvæmt reikningi, sem aðalfundur samþykkir.

6. gr.

Aðalfund heldur félagið fyrir febrúarlok ár hvert og skal hann boðaður skriflega með hálfis mánaðar fyrirvara. Fundurinn er því aðeins lögmætur að mættir séu $\frac{4}{5}$ allra félagsmanna og sé þá talið eitt atkvæði fyrir hvert lögbyli.

Afl atkvæða ræður úrslitum mála á aðalfundi. Á aðalfundi leggur stjórnin fram endurskoðaða reikninga félagsins til samþykktar. Þar er kosin stjórn, einn vara- maður og tveir endurskoðendur. Aðalfundur tekur ákvarðanir um lántökur til félagsins, er þeirra vegna þarf að veðbinda jarðir á félagssvæðinu.

Meðan framkvæmdir standa yfir skal lögð fyrir aðalfund tillaga um hver hluti verksins skuli unninn það ár, ásamt áætlun um kostnað og hvernig aflað verður fjár til að standast þær greiðslur. Aukafund skal halda þegar félagsstjórn eða meira en helmingur félagsmanna telja þess þörf og skulu þá félagsmenn senda um það skriflega beiðni til stjórnarinnar.

7. gr.

Öllum árlegum kostnaði við framkvæmdir þær, er í 3. og 5. gr. er getið, svo sem afborgunum, vaxtagreiðslum af stofnkostnaði, viðhaldskostnaði, endurnýjun mannvirkja, kostnaði við eftirlit og stjórn, skiptir stjórnin í nóvembermánuði ár hvert á allar þær jarðir, er framkvæmdirnar ná til.

8. gr.

70

27. apríl

Þar, sem um sameiginlegt skurðakerfi til landþurrkunar eða vatnsupptöku er að ræða, skal flatarmálsstærð þess lands, er hags nýtur af verkinu, lögð til grundvallar við skiptingu kostnaðarins. Hæfilegt tillit skal þó tekið til þess, er einhverjar af jörðunum hafa sérstöðu gagnvart afnotum verksins og fer um það eftir hagnaðarmati, er framkvæmt skal þá verkinu er lokið af þrem dómkvöddum mönnum. Gjaldskrá, er ákveður grundvöll að skiptingu framangreinds kostnaðar, skal send landbúnaðarráðherra til staðfestingar. Sé framkvæmdin takmörkuð við einstaka jörð skal stjórnin hafa sérreikning yfir þann kostnað allan, er greiðist af landeiganda ásamt þeim hluta af stjórnarkostnaðinum, er honum að réttu ber að greiða.

9. gr.

Stofnun félagsins, verkefni þess, heimili þess og varnarþing, hverjir eru í stjórn þess og ef breyting verður á stjórninni, ásamt því, hverjir fari með prókúrumboð þess, skal birt í Lögbirtingablaðinu.

10. gr.

Stjórn félagsins hefur heimild til þess að taka lán handa félaginu til framkvæmda þeirra, er það hefur með höndum (samanber þó ákvæði 6. gr. þessara samþykktá og lög nr. 54 frá 4. júlí 1942 og lög nr. 38 frá 7. apríl 1943, 36. gr. jarðræktarlaganna), og setja til tryggingar lánsfénu eða endurábyrgð þeirri, er þurfa kann, vegna lánsins, veðrétt í býlum þeim, sem talin eru í 2. gr., samkvæmt ákvörðun aðalfundar. Stjórnin sér um greiðslur þeirra lána, er félagið tekur. Niðurjöfnuð gjöld hafa lögtaksrétt.

11. gr.

Rísi ágreiningur í félagsmálum innan félags eða utan skal úr honum skorið með gerðardómi. Skal dómurinn skipaður þremur mönnum. Sakaraðilar tilnefna sinn manninn hver, en oddamaður sé skipaður af Búnaðarfélagi Íslands.

12. gr.

Með brot á samþykkt þessari sé farið sem almenn lögreglumál og geta þau varðað sektum frá 50 til 500 krónum, ef eigi liggur þyngri hegning við að lögum. Sektir renna í félagssjóð.

13. gr.

Samþykkt þessari má breyta á lögmatum aðalfundi ef $\frac{2}{3}$ allra félagsmanna samþykkja breytinguna, enda komi staðfesting stjórnarráðs til.

14. gr.

Félagsskap þessum má því aðeins slíta, að það sé samþykkt á lögmatum aðalfundi og $\frac{4}{5}$ greiddra atkvæða séu með því og samþykki stjórnarráðsins fáist um félagsslit

Samþykkt þessi staðfestist hér með samkvæmt vatnalögum, nr. 15 frá 20. júní 1923, jarðræktarlögum, nr. 54 frá 4. júlí 1942, og lögum nr. 38 frá 7. apríl 1943, um breyting á þeim, til þess að öðlast gildi þegar í stað.

Landbúnaðarráðuneytið, 27. apríl 1946.

F. h. r.
Vigfús Einarsson.

Árni G. Eylands.